

Guangjisi Minzcu Bau

ganhhau: CN45-0036 B.2017 Nd.5 Ng.24 liggaueq dingyoux nienz ndwenseiq ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3275期

Nanzdanh Yen Hong Baujhoh Swncienz Feihvuzciz Vwnzva Yizcanj Cingzcik Yienhda

南丹县非物质文化遗产保护传承工作成效显著

Gaenh bi neix daeuj, Nanzdanh Yen dawz gaemndei hong baujhoh swncienz feihvuzciz vwnzva yizcanj dangguh hangh banhfap youqgaenj fatyienz minzcu conzdungj vwnzva, daezsang vwnzva neihanz, fungfouq cingsaenz vwnzva saedcej gyoengq vunz lai he, yungh banhfap ndei, bang doi hong baujhoh swncienz feihyiz cingqciengz guh.

It dwg dap aen bingzdaiz guhhong. Laebbaenz aen cungsim baujhoh swncienz feihvuzciz vwnzva yizcanj, rapdawz hong diucaz, baujhoh, swncienz, comzyienj daengj feihvuzciz vwnzva yizcanj daengx yienh. Doengzseiz, guhbaenz aen bozvuzgvanj swnghdai Bwzguyauz Lijhuz, aen gihdi langhbaij comzyienj ndangdaenj Yauzcuz, mbanjguh-yienh baujhoh swnghdai vwnzva aennyenz, ranzgoepgvej daengj buek ciengzdieg caeuq bingzdaiz youqgaenj langhbaij feihvuzciz vwnzva yizcanj

he, vih hong baujhoh swncienz feihvuzciz vwnzva yizcanj dwkroengz giekdaj maenh.

Ngeih dwg guh ndei hong bauj bujcaz feihvuzciz vwnzva yizcanj. Yawjnaek gyaak hwnjguh guekgya, swcigih, si, yienh seiq gaep feihvuzciz vwnzva yizcanj daiqbiujsingq mingzloeg caeuq hong hwnjguh aen dihi bouxswncienz. Seizneix, daengx yienh gungh miz 4 hangh feihvuzciz vwnzva yizcanj liedhaeuj guekgya gaep baujhoh mingzloeg, 9 hangh liedhaeuj swcigih gaep baujhoh mingzloeg, 4 hangh liedhaeuj si gaep baujhoh mingzloeg, linghvaih miz 85 hangh liedhaeuj yienh gaep baujhoh mingzloeg. Gungh gungganq 11 boux bouxswncienz daiqbiujsingq feihvuzciz vwnzva yizcanj.

Sam dwg gyaak baujhoh bouxswncienz. Doenggvaq banh ban son'gyauq feihyiz hanghmoeg caeuq haiguh feihvuzciz vwnzva yizcanj

haeuj hagdangz hozdung caeuq minzsuz hozdung, fatok gij cozyung bouxswncienz feihyiz, baujhoh swncienz feihvuzciz vwnzva yizcanj, gungganq bouxswncienz moq. Seizneix, gaeng youq Nanzdanh Yen Daih'it Siujyoz, Nanzdanh Yen Daihngaih Gauhcungh, Lijhuz Yauzcuz Yangh Cungsim Siujyoz daengj hagdangz haibanh ndangdaenj Yauzcuz, foux aennyenz, dwkgyangq caeuq foux goepgvej daengj minzsuz conzdungj vwnzva caeuq ban songyauq dinfwngz conzdungj. Binaengz doenggvaq banh "sam nyied sam Bouxcuengh" baenzdaug hozdung, leihyung ciet goepgvej, ciet gingqvaiz, ciet gaibi Bwzguyauz daengj minzsuz hozdung, langhbaij gij cingzcik baujhoh swncienz feihvuzciz vwnzva hawj gak hangz ndawbiengz, aeundaej yaugoij ndei, ndaej daengz vunz lai gak cuz haenggyaez.

(Denz Siyenj Yang Caijenz)

SIUSIK DINJ

简讯

● Mboengqneix, Lingz-yinz Yen Cauzlij Yauzcuz Yangh Minzyau hai aen ban son'gyauq Heiqcuengh, aen cawjdaez dwg "swncienz minzcu vwnzva • fatyienz gyaezguek cingsaenz" haenx, neix dwg aen banhfap aen yienh neix vih caenh'itbough hoenghvuengh sevei cujyi vwnzyi, fatyienz Cunghvaz conzdungj vwnzva maenhndei he.

(Vangz Yenzyungz Bi Cujbauj)

● 5 nyied 19 hauh, Bingzgoj Yenveij, Cwngfazvej gaenxmaenx cujciiz yienh cwngfaz gak bumwnz, gven-daengz cunghci hen onjdingh cwngzyenz danhvei haiguh aen hozdung comz senhconz cwngfaz cunghci bi 2017 Bingzgoj Yen, hozdung hopheux aen cawjdaez senhconz "giengzvaq fapceih hwnjguh caezlaeb bingzan gyanz", cietsaed haiguh hong senhconz bingzan hwnjguh, gimqdoeg doi doj, fuengz mbouj cingqdanq fanj mbouj cingqdanq, henhoh dietloh daengj.

(Veiz Caijlu)

● 5 nyied 18 hauh banhaet, Namzningz Si Vujmingz Gih gaiq daihhaj "ngoenz goenghai cwngvu" senhconz hozdung youq singzgih vwnzva cungsim gvangcangz banh, hozdung seiz, yungh senhconz canjbanj, fat mbawdan senhconz, yienhciegz gejdap daengj lai cungj fuengsik, doengzseiz yienhciegz daezhawj faplwd bangcoh camcaz, cwngcwz camcaz, banh saeh camcaz fugsah daengj.

(Banh Veicwngz)

● Bineix daeuj, Ningzmingz Yen Gungh'anhgiz dawz dauqungz guh, cang monzbaiz dangguh "minzswnggh gunghcwngz" aen neiyungz youqgaenj he daeuj ca ndei doeksaed. Daj 5 nyied 2 daengz 18 hauh, Cwngzcungh Baicuzsoj aen yienh neix cujciiz minzgingj, fujgingj gungh vih vunz lai cang monzbaiz moq 1800 gaiq, ndaej daengz gyoengq vunz lai haenhndei.

(Couh Yizganh Lij Cozyenz)

Yungzsuij: Cienzcienq Fwen Haeuj Mbanjmyauz

融水:山歌传唱进苗寨

5 nyied 21 hauh, Yungzsuij Myauzcuz Swciyen haiguh aen hozdung cienzcienq fwen haeuj Mbanjmyauz, geijcib boux canghfwen sai mbwk Myauzcuz byaijhaeuj Mbanjmyauz, yungh yaem'wenq gok-sadsad cienzcienq lajmbanj hab youq, bangfuz cwngcwz, faplwd cihsiz daengj, ndaej daengz beixnuengx Myauzcuz angqcoux. Ndaw doz dwg geij boux beixnuengx Myauzcuz youq Yungzsuij Myauzcuz Swciyen Anhdaei Yangh Mbanjsiujsangh Mbanjmyauz eu fwen.

(Lungz Linzci/龙林智)



Namzningz Liengzging Gih Ceng'aeu Moix Aen Cin Miz Gingjdiemj

南宁良庆区力争镇镇有景点

Mboengqneix, gicej daj Namzningz Si Liengzging Gih roxyiuj daengz, aen gih neix dingh ok le gij saedhengz fueng'anq doicaenh daengx aen dieg lijyouz, yaek haenq-rengz hwngfat daegsaek lijyouz, dawz Nazmax Cin Danzbanjboh dajcauh baenz diemjguhyienh lijyouz daengx aen dieg Liengzging Gih.

Aen singzgih neix diegyouq ndei, lij miz gij giekdaj vwnzva ndawbiengz naekna, gij minzsuz fungcingz cinghseuq lauxsaed caeuq gij swhyenz lijyouz daegsaek lai. Vihneix, aen

singzgih neix cietsaed gviveh lijyouz swhyenz, lai gakdoh, cienz fuengvih dajcauh daengx aen dieg lijyouz: Yaek baengh gij swhyenz raemx lai, dawz Nazmax Cin Davangzdan, Cuzcenzdauj daengj ginggih hwnjguh baenz gizdieg ciengxndang swnghdai lai caengz, neiyungz fungfouq; youq Nanzauj Cin dajcauh "aen mbanj roegcaeuq"saedyienh moix aen cin miz lijyouz gingjdiemj.

3 bi ndawde, aen singzgih neix dajveh aeu gij hwngfat lohnaemj "nungzlij +", dawz Nazmax Cin

Danzbanjboh dajcauh baenz diemjguhyienh daengx aen dieg gonq. Gaenxmaenx yinxhaeuj vwnzva caeuq diyyuz yenzsu, daezsang gij yinxdaeuz caeuq daejniemh lijyouz, cienzmienh swnggaep nungzlij giethab canjnieb vunqsik, cungdenj dajcauh rangh canjnieb youqndwi swnghdai Binhsuij aeu cangqheiq ciengxndang, yindung youqndwi, yawjngonz byadah, vwnzva cauxeiq guhcawj haenx, hwngfat guhhung lijyouz canjnieb, gya'gvangq diuz roen vunz lai laisou.

(Danz Haijmingz Couh Swhyij)